

مشتاق

مطبعة و محل ادارہ:

جمال اوغلندہ امنیت
سندوخی جوارندہ
شنگول یقوشندہ
۲۷ نومبر

مسئک زہ موافق آثار
جدیدہ مع الممنونہ
قبول اولتور

درج ایسہ بن آثار اعادہ اولتور

دیر ، فلسفہ ، علوم ، حقوق ، ادبیات تاریخ ، سیاسیات و بالخاصہ احوال و شئوہ اسلامیہ و بہ بحث ابر و ہفتہ درہ بر نشر اولتور۔

صاحب و مؤسسری :

آبونہ بدلی

در سعادتندہ نسخہ سی ۵۰ بارہ در

ابوالعلا زین العابدین - ح . اشرف ادیب
تاریخ تأسیسی

سنہ لکی	التی آیلنی	غروش
۶۵	۳۵	۳۰
۶۰	۳۰	۲۵
۱۷	۹	۱۰

قبیلہ دن مقوا بورو ایلہ کوندریلمیرسہ سنوی
۲۰ غروش فضلہ آلدر

۱۰ تموز ۳۲۴

یدنجی جلد

شباط ۲ ۱۳۲۷

۲۶ صفر ۱۳۳۰ پنجشنبہ

عدد : ۱۸۰

آچیق مکتوب

الای مفتیسی فخرالدین افندی به

افندم! سنکله مناظره ایتک دکل دیگر همدردلر مزله برابر هرایکیمز باش باشه وروبده آغلاشالم.

دموع العینمز احتمال که ماء الحیات اولورده اندن بر چاره نجات خلق اولنور.

قرداشم! شریعتمزی آندن تنزیه ایدرم که خانه سنه سارق، غاصب کپرن بر مصالینک نمازینی بوزوبده سلاحه صاریلسنی تجویز ایتسون. خانه اسلام عموماً محکوم اندراس اولمش، غاصبلر اثاث و انتاضنی یغمالیچون هر طرفدن صالدرمش شمالدن، جنوبدن، شرقدن، غربدن، هجوملر، غارتلر! حریفلر هر طرفنی قانلره، آتشلره بویامش ایکن سکان خانه عموماً و متحداً سلاحلارنی، دفع اعدایه، اطفای حریق، قوشمق کبی فعالیت عاجله به مبادرت ایتیوبده هربری بر هوا و سفاهت لرینه مغلوب اولدقلری کبی بر قسم قلیلی ده حالی یکدیگری نه - ولوکه زکاة و فطره واضحه کبی مشروع بررنام ایله اولسون - هدیهلر ویا بورجلر تقدیمیه اوغراشملری، خانه وطنک بر طرفندن دیگر طرفنه - ولوکه حج نامیه - زیارتلر یا بملری البته غریب بر تماشا دور.

بو حالی او خانه بیضانک قانون وقاعده سنه اسناد ایلمک البته بر خطای عظیم، مبنای اسلامه برشین ایدرم. بونده ظن ایدرسه هم هیچ بر عاقل هیچ بر متشرع حکیم تردد ایتمز.

نه چاره که ای مصیبت زده! سکان خانه علی الاکثر اویانماز براویقوده، آیلماز بر غفلتده ایسه سلاحی کیم آله حق کیم، قوشانه حق، کیم قوشه حق؟

اهل خانه بو حالده ایکن بونلرک اللرنده بولنان ویا اللرینه ویریلسی مطلوب اولان قوت دخی بر ایشه یاراماق و بلکه ده - العیاذ بالله - دشمنه بر آلت تجاوز ده اولمق ملحوظ دکلیدر.

بونلرک ایچنده بر قاج بیچاره ده کندولرینی عاجز، دیگر سکان خانیه بیهوش کورور. تدارک ویا استعمال قوتنه امکان کوره مزده بر لرینه اولسون سالف العرض هدایا و حوایج عرض، حسب حال ایچون زیارتلر ایفا ایدیورلرسه بو حزب قلیک بو معامله لری غریب اولقله برابر قرین معذرت دکلیدر.

حالبوکه بونلر واجب الاجرا برر امر دینی دخی اولسون. حالبوکه بو ملتک اسلام اولدقلرینه بونلرک شو افعال نادره لرندن بشقه بر علامت قالدینی بر زمانده اولسون.

حالبوکه بو بیچاره لک شو فعللری بر چوق فوائد اجتماعی دخی متضمن بولسون.

ای همدرد عالیشانم! غربده: فاس، شرقده: ایران صورت تمدنه بورومش وحشت بی امان اوکنده تسایم جان ایتکده، دریا اورته سننده کی بر عضو معزز مز یزه الوداعلر چاغیرمقده ده اوتنه کی

بر عضو مز: طرابلس غرب که آنک کسوق یوز الی ملیونلق آفریقا عالم اسلامندن تماماً انقطاعدر.

اوراده کی ملیونلره دینداش لر مز، جنوارلر اللرنده درت آیدر اتری لیه لیه قویارلمقده ایکن دها دونکی کون بوسنه هر سک ایالات اسلامیه مزک اوستریا، قوجه طونه ایلتزک بلغار اولدینی کندو اللربله آغلایه آغلایه امضا ایدن مبعوثانمز صحنه سنده بودردلر هیچ موضوع بحث اولمایوبده فرقلر، احتراصلر، ائتلافلر غوغالرینه مضر اولدینی شمدی ایسه ولایات مزده هر اجمدخوان اولان، هر تکلم نه طفلانه مغرور بولسان هر بریمزک یکی مبعوثلق میداننه آتیلوب خیریل، خیریل اوغراشدیغمزی کور میورمی یز.

دشمنمز نه روسیه، نه انگلتره، نه ایتالیا! بیوک دشمنمز بزکندومز! «عدوک نفسک التي بین جنیک» سرقدسیسی هر فرد حقنده صادق اولدینی کبی جسم واحد حکمنده اولان هیئت اجتماعی مز حقنده ده اصدقدر. یا هو بزیزی اصلاح ایتمه ک چاره سی نه در.

رجا ایدرم طاریلکمز مقصدم سزه تعریض دکلدر ارشادات حکیمانه کز عین دارو عین دوا در تفصیلاتی [صراط مستقیم] ک نسخ سابقه سنده منتشر اولان کرک ذات فاضلان لرینک و کرک بو عاجزک مقالاتنده مبسوط ومدلل اولدینی اوزره اعداد قوت فریضه سنک فرائض و واجبات دینی نه کز جمله سنه راجع بر فرض عین عاجل اولدینی مسلمدر. تخالف یالکمز نظریه لر مزده در.

عزیزم نه چاره که درد بر درلو دکل. حسبنا الله ونعم الوکیل، نعم المولی ونعم النصیر. لاحول ولا قوه الا بالله العظیم

سیواسده سلیم افندی زاده

مصطفی تقی

بر آن فرصت، بر حیات ابدیدر.

سن ادرا کندن برو درد وطنه ایکیلیه ایکیلیه صارارمش صولمش، تورم ایتش بر روحه، هنوز طانیق شرفندن محروم بولوندینی - عینی درد ایله متالم - بر سیای علونیک خطاب والتفاتی نه قدر قیمتداردر! اوصولغون چهره ماتم نمونک اودم نوازشده کی میل ابتسامی ملکری بیله کرینه ک تأثر ایدر! کچن هفته کی صراط مستقیمده (ح.ن) امضالی و «دوراجق زمان دکلدر!» عنوانی مقاله جوهر داری او قودم. کرچکدن کلک دیانتله، مداد حیتله یازیش بر شاهد ایمان! بر ناطقه وجدان!

آه... یاربی! نه اولوردی بو آتش سودا: سودای وطنه یا نمقده، چیرینه مقده، فریاد ایتکده بوتون عثمانی مسلمانلری یکدیگری نه رقابت ایدیدی! وطن! سوکیلی مادر! سن اوزمان بوتون درد لریکی اونوتیرده اولادلریکک سکا کوستره جکلری اولو حه غرای عشق و غرامک تماشا سنه دالار کیدردک دکل؟